## ҚАРШИ ТУМАНЛАРАРО ИҚТИСОДИЙ СУДИНИНГ А Ж Р И М И

(даъво аризани кўрмасдан қолдириш тўғрисида)

Қарши шахри

2024 йил 22 май

Қарши туманлараро иқтисодий судининг судьяси Ж.Ачилов раислигида, судья ёрдамчиси Ф.Тилавованинг котиблигида Ўзбекистон Савдо-саноат палатаси Қашқадарё вилоят худудий бошқармасининг даъвогар - "Голд стар агро" МЧЖ манфатида, жавобгар - "Карши агрокластер" МЧЖга нисбатан 334352772 сўм коэффициент хакдорликни ундириш тўгрисидаги даъво аризаси бўйича ишни Палата вакили — А.Пармонов (ишончнома асосида), даъвогар вакили — О.Асиров (рахбар), Б.Ахмедов, жавобгар вакили — Б.Нормуминов (ишончнома асосида) иштирокида, суд биносидаги очик суд мажлисида иш хужжатлари билан бирга кўриб чиқиб, қуйидагиларни

## аниклади:

Ўзбекистон Савдо-саноат палатаси Қашқадарё вилоят худудий бошқармаси даъвогар - "Голд стар агро" МЧЖ манфаатида судга даъво ариза билан мурожаат қилиб, "Карши агрокластер" МЧЖга нисбатан 334352772 сўм коэффициент хакдорликни ундиришни сўраган.

Суд мажлисида иштирок этган Палата вакили даъво аризадаги имзо бўйича ўз фикрларини билдириб, Б.Дехконовга даъво аризаларни имзолаш ваколати берилганлигини, Б.Дехконов 2024 йил 26 апрел санасида бошкарма бошлигинининг биринчи уринбосари лавозимида булмаганлигини, бирок булимда ишласа хам унинг даъво аризаларини имзолаш ваколати борлигини маълум қилиб, ишни мазмунан куриб чикишни суради.

Суд мажлисида иштирок этган даъвогар вакили ишни куриб чикиб, даъвони каноатлантиришни суради.

Суд мажлисида иштирок этган жавобгар вакили Б.Дехконовнинг даъво аризасини имзолаш ваколатига эга булмаганлигини маълум килиб, даъвони курмасдан колдиришни суради.

Шунга кўра суд низо юзасидан тарафлар вакилининг тушунтиришларини эшитиб, иш хужжатларини ўрганиб чикиб, тўпланган далилларга бахо бериб, куйидаги асосларга кўра даъво аризасини кўрмасдан қолдиришни лозим топади.

Иш хужжатлари ва суд мухокамаси давомида аникланган холатларга кўра даъво аризасидаги Ўзбекистон Савдо-саноат палатаси Қашқадарё вилоят худудий бошқармаси бошлигининг биринчи уринбосари ўрнида кўйилган имзо у томонидан бажарилмаган, яъни имзолаш ваколатига эга бўлмаган бошқа шахс Б.Дехконов томонидан имзоланган. Б.Дехконовга даъво аризаларни имзолаш ваколати берилганлигини тасдикловчи далиллар судга такдим этилган булса-да, унинг Ўзбекистон Савдо-саноат палатаси Қашқадарё вилоят худудий бошқармаси бошлигининг биринчи уринбосари ўрнида имзолаш ваколати булмаган.

Мазкур холатда суд Ўзбекистон Республикаси Иктисодий процессуал кодекси (кейинги ўринда - ИПК)нинг 149-моддаси талабига кўра даъво аризаси даъвогар ёки унинг вакили томонидан имзоланиши лозим.

ИПКнинг 107-моддасини биринчи қисми 3-бандига кўра даъво аризаси имзоланмаган бўлса ёки уни имзолаш хукукига эга бўлмаган шахс томонидан

ёхуд мансаб мавкеи ёки фамилияси, исми, отасининг исми кўрсатилмаган шахс томонидан имзоланган бўлса, суд даъво аризасини кўрмасдан колдиради.

Ўзбекистон Республикаси Олий судининг 2019 йил 24 майдаги 13-сонли "Биринчи инстанция суди томонидан иктисодий процессуал конун нормаларини кўллашнинг айрим масалалари тўғрисида"ги Қарорининг 21-бандида даъво аризасини кўрмасдан колдириш низонинг мазмуни бўйича ҳал қилув қарори қабул қилмасдан туриб, суд муҳокамасини тамомлаш шаклларидан бири ҳисобланади.

Даъво аризасини кўрмасдан қолдириш тўгрисида суд ажрим чиқаради ва у ИПКнинг 108-моддаси талабларига мувофик бўлиши керак.

Шу боис суд даъво аризасини кўрмасдан қолдиришни, суд харажатларини даъвогар ҳисобидан ундиришни лозим топади.

ИПКнинг 118-моддасига мувофик суд харажатлари ишда иштирок этувчи шахсларнинг қаноатлантирилган даъво талаблари микдорига мутаносиб равишда уларнинг зиммасига юклатилади.

"Давлат божи тўғрисида"ги Қонунга асосан иқтисодий судларга бериладиган мулкий хусусиятга эга даъво аризаларидан даъво баҳосининг 2 фоизи микдорида, бирок базавий ҳисоблаш микдорининг 1 бараваридан кам бўлмаган микдорда давлат божи тўланиши, номулкий хусусиятга эга даъво аризаларидан эса базавий ҳисоблаш микдорининг ўн бараварида давлат божи тўланиши лозим.

Юқоридагиларга кўра, суд даъво аризасини кўрмасдан қолдиришни, даъвогардан давлат божи ундиришни ва почта харажатини даъвогар зиммасида қилдиришни лозим топади.

Ўзбекистон Республикаси Иқтисодий процессуал кодексининг 149, 107, 108, 118, 195-моддаларини қўллаб, суд

## ажрим килди:

Ўзбекистон Савдо-саноат палатаси Қашқадарё вилоят худудий бошқармасининг даъвогар - "Голд стар агро" МЧЖ манфатида, "Карши агрокластер" МЧЖга нисбатан берган даъво аризаси кўрмасдан қолдирилсин.

"Голд стар агро" МЧЖдан республика бюджетига 6687055 сум давлат божи ундирилсин.

Олдиндан тўлаб чиқилган почта харажати даъвогар зиммасида қилдирилсин.

Даъвогарга мазкур низоли холат бўйича йўл қўйилган камчиликлар бартараф этилгандан кейин судга умумий тартибда такроран даъво ариза билан мурожаат қилишга ҳақли эканлиги тушунтирилсин.

Ажримнинг нусхалари ишда иштирок этувчи тарафларга юборилсин.

Мазкур ажримдан норози томон бир ой ичида апелляция тартибида шикоят бериши (протест келтириши) мумкин.

Судья



Ж.Ачилов